

entire region. The Zakaryans assumed the responsibility of only half of the circular defense with the supranational alliance formed between Armenia-Hayk and Virk. Perhaps we are talking about stopping the functions of Akhalkalak, Kayen, Pngdzahank, Lori fortress or not performing their full function. The security and protection of the Armenia-Hayk semi-circle will continue to be implemented by the system of fortresses formed during the reign of the Bagratunis.

ՅՈՅՆ ՊԱՏՄԱԳԻՐ ՊՈՂԻԻԲԻՈՍԸ
ՊԱՏՄԱԳԻՏՈՒԹԵԱՆ ՄԷՋ
ՔՆՆԱԿԱՆ ԵՒ ՎԵՐԼՈՒԾԱԿԱՆ
ՄՕՏԵՅՈՒՄՆԵՐԻ ՍԿԶԲՆԱԻՈՐՈՂ

Պատմութեան տեսութեան ու մեթոդաբանութեան հարցերի ուսումնասիրութեան ու լուսաբանման գործընթացն սկսուել է հնագոյն շրջանում՝ Հին Յունաստանում եւ Հին Հռոմում:

Այդ երկրների գիտութեան եւ մշակոյթի մեծերն իրենց մըտաւոր կառոյցով, նորարարական գաղափարներով, պատկերացումներով ու հոգեւոր բարձրարժէք յուշարձաններով դրեցին Արեւմուտքի ժամանակակից քաղաքակրթութեան հիմքերը: Այդ համատեքստում պատմագրութեան գիտական մեթոդի ու մեթոդաբանութեան որոնումները յետագայում զարգացում են ապրել Եւրոպայում, բայց իրենց վերջնական կերպարանքն են ստացել միայն ժ.թ. դարում:

Պատմագիտութեան սկզբնաւորողներն են հանդիսանում յոյն պատմագիրներ Հերոդոտոսը (Herodotus), Քսենոփոնը (Xenophon), Թուկիդիդէսը (Thucydides), Պոլիբիոսը (Polybius), Պլուտարքոսը (Plutarchus), Տակիտոսը (Tacitus) եւ ուրիշներ: Բայց դրանց շարքում պատմութեան հանդէպ քննական ու վերլուծական մօտեցումների տեսակէտից առանձնանում է Թուկիդիդէսի մտքերի ու գաղափարների ժառանգորդ ու նոր որակի հասցնող, յոյն ականաւոր պատմաբան Պոլիբիոսը (Ք.ա. մօտ 200-118), որի պատմագիտական հայեացքների եւ մեթոդաբանական մօտեցումների վերհանմանն էլ նուիրուած է սոյն հրատարակումը: Յատկանշական է, որ ռուս պատմաբան Վ. Դեակովը (В. А. Дьяков) Թուկիդիդէսին ներկայացնում է իբրեւ հնագոյն պատմական մտքի գագաթ, իսկ

Պողիւբիոսին՝ որպէս «համաշխարհային պատմութեան» հասկացութեան առաջին ձեւակերպողի ու կիրարկողի¹:

Ա. ՊՈՂԻԻԲԻՈՍԻ ՊԱՏՄԱԳԻՏԱԿԱՆ ՀԱՅԵԱՑՔՆԵՐԸ ԵՒ ՄԵԹՈԴՆԱԿԱՆ ՄՕՏԵՑՈՒՄՆԵՐԸ

Յիրաւի, պատմութեան հանդէպ քննական, նաեւ վերլուծական մօտեցումների տեսանկիւնից՝ որպէս Թուկիդիդէսի գաղափարների՝ մի շարք գծերով շարունակողն ու զարգացնողը կարելի է համարել յոյն ճանաչուած պատմիչ-պատմագիր Պողիւբիոսին, ով յատկապէս յայտնի է 40 գրքերից (լրիւ պահպանուել է 5 գիրք, միւսները հասել են հատուածաբար) կազմուած իր «Համընդհանուր պատմութիւն» եռահատոր արժէքաւոր աշխատութեամբ, որում, պատմական նիւթի հանգամանալի շարադրանքի հետ միասին, տուել է նաեւ նրա մշակման մօտեցումների ու մեթոդի իր յարացոյցը (կոնցեպտը)²:

Ամէնից առաջ՝ Պողիւբիոսն իր աշխատութեան ներածականում ընթերցողին կողմնորոշում է դէպի պատմութեան իմացութեան անհրաժեշտութիւնն ու օգտակարութիւնը: «Անցեալի իմացութիւնը, - գրում էր նա, - կարող է միւս գիտելիքներից առաւել ծանայել մարդկանց օգտին», եւ որ «պատմութիւնից քաղուած դասերը հաստատապէս կը նպաստեն լուսաւորութեանը, ինչը եւ կը նախապատրաստի մարդկանց հասարակական գործերի տիրապետմանը (իմացութեանը)»³: Նա պատմութիւն գրելու իր մղումը պայմանաւորում էր Հռոմի կողմից աշխարհը նուաճելու եւ դրա հետ կապուած՝ գրաւեալ տարբեր պետութիւնների վիճակին ծանօթանալու հանգամանքով: Բացի այդ, պատմութիւն գրելը նա կարեւորում էր նաեւ նրանով, որ նա եղել է «ոչ միայն իրադարձութիւնների մեծ մասի ակնատեսը, այլեւ մասնակցել ու անգամ ուղղութիւն եմ տուել դրանց»⁴:

1 В. А. Дьяков, *Методология истории в прошлом и настоящем*, М., изд. «Мысль», 1974, (190 с.), с. 18.
2 Полибий, *Всеобщая история в сорока книгах* (перевод с греческого Ф. Г. Мищенко), т. I, кн. I-V, М., изд. А. Кузнецова, 1890, (с. 680), т. II, кн. VI-XXV, М., 1895, (с. 805), т. III, кн. XXVI-XL, М. 1899, с. 785.
3 Полибий, *Всеобщая история в сорока книгах*, т. I, кн. 1, гл. 1, с. 12.
4 Անդ, կն. 3, գլ. 4, с. 247:

Պողիւբիոսն ակնարկում է, որ ինքը որքան յիշում է՝ մինչ այդ ոչ մէկը ձեռնամուխ չի եղել գրել «Համընդհանուր պատմութիւն»: Նա նշում է նաեւ, որ եղել են պատմագիրներ, ովքեր նկարագրել են միայն առանձին պատերազմներ կամ իրադարձութիւններ, ուստի ինքը անհրաժեշտ է համարել լրացնել այդ բացը: Իսկ իր խնդիրը եղել է ճշմարտութեան վերհանումը: Ըստ նրա՝ պատմութեան մաս-մաս (հատուածաբար) ներկայացնելը բաւարար չէ ամբողջը ճիշտ հասկանալու եւ ներկայացնելու համար⁵: «Դրան կարելի է հասնել, - յաւելում էր նա, - բոլոր մասերի համադրման միջոցով, թէ որոնք են իրար նման, որոնք՝ տարբեր: Եւ միայն այդ դէպքում է հնարաւոր իմանալ ամբողջը եւ դրանով իսկ իւրացնել պատմութեան դասերն ու բաւականութիւն ստանալ դրանցից»⁶:

Պողիւբիոսն իր աշխատութիւնը «Համընդհանուր պատմութիւն» է անուանել նաեւ նրա համար, որ, իր իսկ հաւաստմամբ, ներկայացնելով հռոմէական տէրութիւնն իր նուաճումներով՝ դրա տակ հասկացել է գրեթէ ամբողջ աշխարհը: Եւ սա կարելի է համարել համաշխարհային պատմութեան համակարգուած շարադրման առաջին յաջողուած փորձը: Թող զարմանալի չլինայ, որ Պողիւբիոսը Աղեքսանդր Մակեդոնացու տիրապետութիւնը Հռոմի համեմատ սահմանափակ էր համարում՝ փաստարկելով, որ Աղեքսանդրը չէր հնազանդեցրել Սիկիլիան, Սարդենիան եւ Լիբիան, էլ չէնք ասում Արեւմտեան Եւրոպայի առաւել ռազմատենչ ժողովուրդների մասին⁷: Նա հարց էր տալիս՝ «Այդ ի՛նչպէս եւ ո՛ր հասարակական հիմնարկութիւնների պայմաններում գրեթէ յայտնի ողջ աշխարհը մի յիսուն տարուայ ընթացքում յայտնուեց հռոմէացիների մենիշխանութեան ներքոյ»⁸: Յետագայում կը տեսնենք, որ այդ յաջողութիւնը նա բացատրում է Հռոմի պետական կառուցուածքի առաւելութիւններով:

Պողիւբիոսը, Թուկիդիդէսի նման, իր աշխատութիւնը պատրաստելիս քննադատաբար է մօտեցել օգտագործուած աղբիւրներին եւ միշտ չէ փստահել «ականջներին»: «Բնութիւնից մենք օժտուած ենք երկու զգայարաններով, - գրում էր Պողիւբիոսը, - այն է՝ լսողութեամբ եւ տեսողութեամբ, որոնց օգնութեամբ ամէն ինչ տես-

5 Անդ, с. 15-16:
6 Անդ, с. 16:
7 Անդ, с. 13:
8 Անդ:

նրում (ընկալում) ու քանակում է: Ինչպես սովորեցնում է Հերակլիտեսը⁹, տեսողութիւնը առաւել ճշմարիտ է լսողութիւնից, քանզի աչքերն աւելի ստոյգ վկաննր են, քան ականջները»¹⁰: Բերուած խօսողին առաջին հերթին վերաբերում է վստահութիւնն ներշնչող արժանաւոր պատմագրին ու պատմաբանին՝ առ այն, որ պատմութիւնն գրողը պէտք է աւելի հաւատ ընծայի իր աչքերին, քան ականջներին, այսինքն՝ նրա ներկայացրած պատմութիւնը պէտք է արժանահաւատ լինի եւ ընթերցողի մօտ վստահութիւն ներշնչի:

Հին աշխարհի պատմիչներին բնորոշ օրինակով՝ Պողիւբիոսը եւս մեծ նշանակութիւն էր տալիս պատմութեան մէջ անհատների ունեցած դերին, ինչպիսին էին, օրինակ, իր ժամանակակից զօրավարներ Պոպլիոս Կուռնէլիոս Սկիպիոն Ափրիկանոս Աւագը (Publius Cornelius Scipio Africanus Maior) (Ք.ա. 235-183) եւ Աննիբալը (Ք.ա. 247-183): Խօսք բացելով Աննիբալի բնաւորութեան մասին՝ Պողիւբիոսը նշում է, որ շատերը նրան բնորոշում են չափազանց դաժան, միւսները՝ շահամոլ: Իհարկէ, իր համար դժուար համարելով պետական գործչի կամ զօրավարի վերաբերեալ ճշմարիտ ու համոզիչ դատողութիւններ անելը, այնուամենայնիւ, աւելի հաւանական էր համարում, որ մարդու բնաւորութիւնն աւելի ակնյայտ է դառնում արտակարգ իրավիճակներում¹¹: Փիւնիկեան Երկրորդ պատերազմի (Ք.ա. 218-201) շրջանում, (մի պատերազմ, որ պատմութեանը յայտնի այդ երեք պատերազմներից կարելի է համարել վճռականը. ի դէպ, Պողիւբիոսն այն անուանել է նաեւ Աննիբաղեան), երբ Աննիբալը Ալպերից ներխուժել էր Իտալիա, առանձին ճակատամարտերում յաղթանակներ տարել եւ սպառնում էր գրաւել Հռոմը, հռոմէացիները բռնապետ են ընտրում Կուինտոս Փլաբիոս Մաքսիմոսին (Quintus Fabius Maximus) (Մեծագործին): Պողիւբիոսի բնորոշմամբ՝ նա բնութիւնից օժտուած հանճարեղ խելքի տէր մարդ էր¹²: Առհասարակ, Պողիւբիոսը չի թերագնահատել անհատի դերը պատմութեան մէջ:

Պողիւբիոսի կարծիքով՝ պատմութիւնը ծառայում է նաեւ գործնական նպատակների համար, եւ դրանից ստացուած փորձը կարող է նպաստել ապագայի կանխատեսմանը: Ռուս պատմաբաններ Ն. Մաչկինի եւ Վ. Ավդիեւի կարծիքով՝ Պողիւբիոսը դրանով

9 Խօսքը յայն մեծ փիլիսոփայ Հերակլիտի (մօտ մ.թ. 535-470) մասին է:
 10 Полибий, *Всеобщая история в сорока книгах*, т. II, кн. 12, гл. 27, с. 396.
 11 Полибий, *Вз. աշխ.*, հտ. II, գիրք 9, գլ. 22, с. 198:
 12 Անդ, հտ. I, գիրք 3, գլ. 87, с. 338:

սկիզբ է դրել «պրագմատիկ պատմութիւն» հասկացութեանը¹³: Այն յետագայում ԺԸ.-ի. դարերում, զարգացում ապրեց Գ. Հեգելի, Թ. Մոմզենի, Ֆ. Բրոդելի եւ եւրոպական մի շարք այլ մտածողների կողմից: Օրինակ՝ Հեգելի մօտ «պրագմատիկ պատմութեան» գործնական ձեւակերպում կարելի է համարել նրա հանրայայտ բանաձեւում՝ «Ամէն բանական իրական է, եւ ամէն իրական՝ բանական»¹⁴: Պատմագիտութեան առարկայական մօտեցումը ենթադրում է նաեւ ընկերային եւ քաղաքական բաղադրիչների միակցութիւն:

Պողիւբիոսը դատողութիւններ է անում պատմական իրադարձութիւնների ու դրուագների օրգանական կապի, նոյնիսկ՝ օրինաչափութիւնների մասին: Ըստ այս երկու հեղինակների հայեցակարգային մօտեցումների՝ քանի որ մարդկային բնութիւնը (էութիւնը) անփոփոխ է, ուստի այդ կայունութեան հետեւանքով պատմական երեւոյթներն ու իրադարձութիւնները, «պայմանաւորուած մարդկային բնոյթով՝ ի գորու են ապագայում կրկնուելու»¹⁵: Բայց, յիշելով Թադէս Միլետացուն (Ք.ա. 2. դար) կամ նրա աշակերտ Հերակլիտոսին (Heraclitus) վերագրուող իմաստնական օրէնք դարձած խօսոյթը՝ «նոյն գետը երկու անգամ չես մտնի»¹⁶, բացառում է դրանց նոյնութեամբ կրկնուելը:

Պատմական հայեցքը նետելով անցեալին՝ հարկ է արձանագրել, որ պատմութեան հետազօտման մեթոդաբանութիւնն ի յայտ է եկել այն ժամանակ, երբ մարդկանց մօտ, իբրեւ հեռու եւ մօտիկ անցեալի յիշողութիւն, բնական անհրաժեշտութիւն է առաջացել փորձել համակարգուած շարադրել, իմաստաւորել պատմութիւնը, որտեղից էլ, կարելի է ասել, ձեւաւորուել է պատմութիւնը՝ իբրեւ գիտութիւն: Ինքնին հասկանալի է, որ բուն պատմութիւնն իր իրադարձութիւններով, գործընթացներով, դրուագներով, դէպքերով ու դէմքերով, ժամանակագրական առումով աւելի հին է, քան պատմագրութիւնը, ուստի եւ՝ դրա ուսումնասիրման գործիք հանդիսացող պատմութեան մեթոդաբանութիւնը:

13 Ն. ՄԱՇԿԻՆ, *Հին Հռոմի պատմութիւն*, Երեւան, ԵՊՀ հրատ., 1951, էջ 23, նաեւ՝ *Հին Յունաստանի պատմութիւն*, Վ. ԱՎԴԻԵՒ, (խմբ.), Երեւան 1982, էջ 39:
 14 Г. В. ГЕГЕЛЬ, *Энциклопедия философских наук (философия духа)*, т. I, М., изд. «Мысль», 1974, с. 89.
 15 ФУКИДИД, *История*, т. I, кн. I, гл. 22, с. 14; *Большая Советская энциклопедия (БСЭ)*, Гл. ред. Введенский Б. А., т. 45, 2-ое изд., М. 1956, с. 632.
 16 <http://www.allbest.ru> եւ <https://m.facebook.com/posts> (առ. 31.03.24):

Պողիւբիոսն իր աշխատութեան մէջ յաճախ անդրադառնում է պատմութեան շարադրման իւրայատուկ կողմերին ու գծերին: Ասենք, ի տարբերութիւն Հերոզոտոսի, Արիստոտէլի եւ միւսների, ովքեր քերթուածը (պոէզիա) դասում էին պատմութիւնից բարձր, քանի որ քերթուածում աւելի շատ է խօսուում ընդհանուրից, իսկ պատմութիւնում՝ եզակիներից, նա պատմութիւնը հակադրում էր քերթողութեան սեռերին, օրինակ՝ ողբերգութեանը (տրագեդիային) եւ տալիս հետեւեալ մեկնաբանութիւնը. «Պատմաբանի խնդիրը նրանում չէ, - գրում էր Պողիւբիոսը, - որպէսզի պատմելով հրաշագործ բաների մասին՝ ընթերցողին ներշնչի սարսափ, եւ ոչ նրանում, որ, որպէսզի նկարագրելով նշարտանման պատմութիւններ եւ նկարագրուող իրադարձութիւններում նշի բոլոր երկրորդական (կողմնակի) հանգամանքները, ինչպէս որ վարում են ողբերգութիւն գրողները, այլ նրանում, որ ստոյգ հաղորդի միայն այն, որ իրականում ասուել կամ արուել է, որքան էլ որ այն անսովոր լինի: Պատմութեան եւ ողբերգութեան նպատակները նոյնը չեն, ընդհակառակը՝ հակադիր են: Մի դէպքում պահանջում է լսողներից նշարտանման ելոյթներով տուեալ պահին ունկնդիրների մօտ առաջ բերել գարմանք եւ հիացմունք, մինչդեռ պատմութիւնից պահանջում է հետաքրքրասէր մարդկանց տալ նշարիտ գրութիւնների եւ խօսքերի լիակատար (յուսալի) դասեր ու խրատներ (պատգամներ): Այն պարագայում, երբ ողբերգութիւն գրողների համար գլխաւորը նշարտանման խօսոյթներով հանդիսատեսին մոլորեցնելն է, ապա պատմաբաններինը՝ գլխաւորը հետաքրքրասէր ընթերցողին օգուտ բերել՝ նշարիտ պատմութեան շարադրմամբ»¹⁷:

Ի տարբերութիւն հռետորաբանների՝ Պողիւբիոսը պատմագրութեան միակ չափանիշը համարում էր նշարտութիւնը: Պատմիչ-պատմաբանների կողմից իրենց շարադրած պատմութեան ճշմարտացիութեան արժէքը որոշելու համար Պողիւբիոսը մէջ է բերել մեր ժամանակներում հանրայայտ դարձած խօսոյթը, որ «Մէկ կաթիլով կարելի է իմանալ վիթխարի տակառի ամբողջ պարունակութեան մասին»¹⁸: Եւ, ըստ նրա, նոյն կերպ պէտք է վարուի պատմաբանը: «Եթէ որեւէ հեղինակի երկում յայտնաբերուում է մէկ երկու աննշտութիւն, առաւել եւս, եթէ աննշտութիւնը (սխալը) թոյլ է տրուել դիտաւորեալ (կանխամտածուած) կերպով, ապա ակնյայտ է

17 Полибий, в. 2, гл. 56, с. 198:
 18 «По одной капле можно узнать все содержимое огромнейшей бочки» (Полибий, в. 2, гл. 25, с. 25а, с. 381):

դառնում, որ այլեւս չի կարելի յեմուել նման հեղինակի եւ ոչ մի խօսքին (քառիւն)»¹⁹:

Պողիւբիոսի պատկերմամբ՝ պատմութեան արժանիքը մեծապէս կախուած է այն գրող (ներկայացնող) պատմաբանի յատկութիւններից, ունակութիւններից, պատրաստուածութիւնից եւ այլն: Պատմաբանի նպատակը պիտի լինի ոչ թէ փաստերի պարզ շարադրումը, այլ փորձել բացայայտել տեղի ունեցած երեւոյթները՝ եղելութիւնների, դէպքերի ու իրադարձութիւնների իրական ու խորքային պատճառները: «Պատմութեան իսկական խնդիրը առաջին հերթին է, - գրում էր հեղինակը, - իմանալ (հասկանալ) իրականում հնչեցրած խօսքը, ինչպիսին էլ որ դա լինի, այնուհետեւ փնտուել այն պատճառները, որոնցով տուեալ ձեռնարկը կամ խօսքը լուծուել է յաջողութեամբ կամ անյաջողութեամբ»²⁰: Պողիւբիոսի ընդգծմամբ՝ պատմութեան ընթերցումն օգտակար է դառնում այն ժամանակ, երբ շարադրանքում բացայայտուում ու պարզաբանուում է իրադարձութեան պատճառը: «Ով լուրստան է մատնում իրադարձութեան վերաբերեալ հնչեցուած խօսքի պատճառը, իսկ դրա փոխարէն տալիս է մտացածին դպրոցականի վարժանքներ ու երկար քամարտակութիւններ, դրանով նա վերացնում է պատմութեան բուն գոյութիւնը»²¹: Նա ենթադրում էր, որ պատմական իրադարձութեան պատճառը փնտուելը, գտնելը աւելի դժուար է, քան գրական կամ հրապարակային ելոյթի համար խօսք (ճառ) պատրաստելը: Բացի այդ, նրա դիտարկմամբ՝ շատ քչերն են կարճ ելոյթ ունենում, ընդհակառակը՝ հանդիպում են ընդարձակ ու աննպատակ ելոյթներ (ճառեր)²²: Եւ այդ իմաստով նա կշտամբում էր շատախօս հռետոր-ճարտասաններին: Այդպիսիք, ի դէպ, մեր ժամանակներում եւս քիչ չեն:

Պողիւբիոսը նմանութիւն ու ընդհանրութիւն է տեսնում պատմութիւն գրողի եւ բուժող բժշկի միջեւ: Պատմութեան հոլովոյթում պատմագրի գլխաւոր նպատակը (խնդիրը) պիտի համարուի ուղղակի եւ անուղղակի ճանապարհով ձեռք բերուած փաստերի ու փաստաթղթերի քննութեամբ ու վերլուծութեամբ անցեալի իրական պատմութեան, ճշմարտութեան բացայայտումը,

19 Полибий, в. 2, гл. 25, с. 56, с. 382:
 20 Անդ, գլ. 25в, с. 382:
 21 Անդ, գլ. 25в, с. 382-283:
 22 Անդ, գլ. 25и, с. 389:

համեմատական առումով, ինչպիսին առողջապահութեան ոլորտում բժշկիկնը՝ հիւանդի աշխտորոշման ու բուժման գործողութեան, կամ էլ նոյնիսկ իրաւագիտութեան ու իրաւունքի ոլորտում՝ դատաւորինը, դատաւարութեան ու դատաւճռի կայացման գործում: Ընդ որում՝ պատմութիւն գրելը եւ մարդ բժշկելը, ըստ Թուկիդիդէսի, բաժանուում են երեք տեսակի՝ իրենց համապատասխան նախանշաններով: Եթէ բժշկութեան պարագայում առկայ են ա) գրքային՝ նկատի է ունեցել Աղեքսանդրի քաղաքի գրականութիւնը, բ) սննդային (դիետիկ) եւ գ) դեղագործական ու վիրահատական փուլեր, ապա քաղաքական պատմութեամբ զբաղուողը պիտի ա) ծանօթանայ հետազօտուող թեմային վերաբերող պատմական երկերին, դրանցից դուրս բերի անհրաժեշտ բովանդակութեամբ ու քանակութեամբ նիւթեր, բ) ծանօթանայ երկրների քաղաքներին, գետերին, նաւահանգիստներին, առհասարակ ցամաքային ու ծովային տեսարժան վայրերին եւ գ) ուսումնասիրի պետական (քաղաքական) իրաւարձութիւններն ու կեանքը²³:

Պողիւբիոսը զանազանել է պատմական երեւոյթների ու գործընթացների երեք տարրեր՝ երեւոյթի, եղելութեան, իրաւարձութեան կամ հանգամանքի ա) պատճառը, բ) առիթը եւ գ) սկիզբը²⁴: Եւ այդ երեքից, նրա պատկերմամբ՝ իրաւացիօրէն առաջնայինը համարուում է պատճառը, որ կարող է պայմանաւորուած լինել առարկայական եւ եմփալայական հանգամանքներով: Այստեղ նա նոյնիսկ տարբերակել է առարկայական եւ ենթակայական գործօնների դերը²⁵: Հարկ է նկատել, որ այս հանգամանքը կարեւորուում է անգամ մեր ժամանակներում: Բանն այն է, որ պատմութիւնը ընթերցող հանրութիւնը, նոյնիսկ սկսնակ պատմաբանները երբեմն դժուարանում են իրարից յստակ զանազանել պատմական այս կամ այն իրաւարձութեան պատճառն ու առիթը: Այսպէս՝ մեր ժամանակներում յաճախ կարելի է հանդիպել առանձին մարդկանց, որոնք, օրինակ, Առաջին աշխարհամարտի պատճառը փորձում են բացատրել Աւստրո-Հունգարիայի թագաժառանգ Ֆրանց Ֆերդինանտի ահաբեկչական սպանութեան հետ՝ տուեալ դէպքում առիթը չփոխելով բուն պատճառների հետ եւ այլն:

23 Անդ, գիրք 12, գլ. 25b, c. 383-384:
 24 Անդ, հտ. I, գիրք 3, գլ. 6-7, c. 248-251, նաեւ՝ հտ. II, գիրք 12, գլ. 25c, c. 382-383:
 25 Սոկրատես, Գլ. 1, գիրք 3, գլ. 6-7, c. 248-251, նաեւ՝ հտ. II, գիրք 12, գլ. 25c, c. 382-383:

Պատերազմի պատճառի, առիթի եւ սկսելուն հարցը քննելիս, օրինակ, Աղեքսանդր Մակեդոնացու մեծ արշաւանքի հետ կապուած, Պողիւբիոսը քննադատում է այն հեղինակներին, ովքեր պատճառ էին համարում Աղեքսանդրի զօրքերի փհհհհհհհհ Փոքր Ասիա²⁶: Մինչդեռ իրականում պատերազմի պատճառները պիտի փնտռել յոյն-պարսկական նախորդ պատերազմներում՝ իբրեւ փոխվրէժ, Յունաստանի կրած վնասների ու մարդկային կորուստների, Աթէնքի հրդեհման եւ այլնի, իսկ միգուցէ՝ Աղեքսանդր Մեծի համաշխարհային գերիշխանութեան յաւանդութիւնների հետ: Մեծ պատերազմին նախապատրաստուելը, գինուելը սկսուել էր դեռ Աղեքսանդրի հօր՝ Մակեդոնիայի թագաւոր Փիլիպպոս Բ-ի ժամանակ: Մէջբերենք Պողիւբիոսից. «Կան մարդիկ, որոնք չեն գտնուում, թէ որն է սկիզբը, ինչով է այն տարբերուում պատճառից ու առիթից»²⁷: Պողիւբիոսի մտայնումամբ՝ Աղեքսանդրի Ասիա մայրցամաք փհհհհհհհհ ոչ թէ պատերազմի պատճառ էր, այլ առիթ ու գործնականում՝ սկիզբ²⁸: Աւելին, սոյն աշխարհացունց պատերազմի պատճառների մասին խօսելիս՝ Պողիւբիոսը խօսում է նաեւ ընդհանրապէս պատերազմ կազմակերպելու մտադրութեան, որոշում կայացնելու, ռազմական նախագիծ մշակելու եւ այլնի մասին: Այդ հարցում նա կարեւորում էր նաեւ մարդկանց հոգեբանական տրամադրուածութիւնը, կողմերի հաշուարկներ անելը եւ համանման այլ անելիքները²⁹: Պողիւբիոսը, յղում անելով Հին յունական հոռատոր Հերմոկրատէսից (Hermocrates), համեմատութիւն էր անցկացնում պատերազմի եւ խաղաղութեան միջեւ՝ պատերազմը նմանեցնելով քաղաքական հիւանդութեան, իսկ խաղաղութիւնը՝ առողջութեան հետ³⁰: Դժուար չէ նկատել, որ պետական ու ռազմական այս գործիչը պատերազմի եւ խաղաղութեան հարցում դատողութիւններ էր անում գրեթէ ժամանակակից չափանիշներով:

Պողիւբիոսը պատճառի ի յայտ գալը փնտռում եւ տեսնում էր տուեալ իրաւարձութեան ներսում եւ ոչ թէ՛ այդ երեւոյթից դուրս: Եւ պատահական չէ, որ նա համարում է պատմագրութեան մէջ պատճառահետեւանքային կապի մասին պատկերացումների հիմնադիր³¹:

26 Полибий, Գլ. աշխ., հտ. I, գիրք 3, գլ. 6, c. 250:
 27 Անդ, c. 249:
 28 Անդ, c. 250:
 29 Անդ:
 30 Անդ, հտ. II, գիրք 12, գլ. 26, c. 392:
 31 А.Б. СОКОЛОВ, *История исторической науки*. 2-е издание, М., изд. «Юрайт», 2018, с. 17.

Պողիւբիոսը պատերազմների պատճառահետեւանքային կապի մասին խօսում եւ դատողութիւններ է անում առաջին հերթին Երկրորդ Փիւնիկեան պատերազմի օրինակով³²: Մասնաւորապէս, հետաքրքիր է նրա մօտեցումը պատերազմի այս կամ այն իրադարձութեան պատճառի բացայայտման հարցին: Նկատի ունենալով, որ միեւնոյն իրադարձութեան վերաբերեալ տարբեր հեղինակներ յաճախ տարբեր կարծիք են յայտնում ու դրանից բխող տարբեր մեկնաբանութիւն ու գնահատական տալիս՝ նա, իբրեւ պատմագիտական մեթոդ, գտնում էր, որ տուեալ իրադարձութեան, ասեմք՝ պատերազմից ստացուած արդիւնքով, այսինքն՝ հետադարձ դիտարկման (ռետրոսպեկտիվ) մեթոդով կարելի է բացայայտել դրա պատճառը կամ պատճառները: Սա հետազօտման այն ձեւն է, երբ պատմաբանն իրադարձութեանը հետեւում է հակառակ դիտակէտից՝ վերջնարդիւնքից, հետեւանքից դէպի իրադարձութեան ակունքը, պատճառը, սկիզբը: Այսինքն՝ այդ մեթոդը հնարաւորութիւն է տալիս յետադարձ հայեացք ձգելով կատարուած գործընթացին հակառակ ուղղութեամբ՝ առարկայօրէն նկատել ու պարզել շրջադարձային կարեւոր պահերը, ինչը յանգեցրել է պատմական նման վերջնարդիւնքի՝ դրական թէ բացասական իմաստով:

Տուեալ դէպքում, Կարթագինէի հանդէպ Հռոմի յաղթանակի արդիւնքով Միկիլիայի ձեռքբերումը, գործնականում Միջերկրականին տիրանալը, աւելին, յանձին Սկիպիոն Ափրիկանոս Աւագի ժառանգորդ եւ նրա քաղաքական գծի հետեւորդ Էմիլիանոս Ափրիկանոս Կրտսերի (Aemilianus Africanus Minor)՝ Ափրիկէ ներխուժումը եւ ն.թ. 146-ին Կարթագինէի հիմնայատակ կործանումը ինքնին Փիւնիկեան պատերազմների ծագման պատճառների խօսուն վկաներն են: Այսպէս, սա կարելի է դիտել Պողիւբիոսի կողմից առաջ քաշուած մեթոդաբանական մի հնարք, երբ տուեալ իրադարձութեան վերջնարդիւնքով կարելի է կռահել ու պարզել տեղի ունեցածի ծագման ու առաջացման պատճառը, ընթացքը եւ այլն:

Հին աշխարհի պետական, քաղաքական կամ ռազմական գործիչներին գնահատելիս՝ Պողիւբիոս պատմագիրը, վերլուծաբան-մեթոդաբանը գտնում էր, որ «Պատմաբանը պէտք է գգուչանայ անչափաւորութիւնից՝ ինչպէս դատապարտումներում, այնպէս էլ գովերգումներում»³³: Պողիւբիոսի դիտարկմամբ՝ պետական ու ռազմա-

32 Полибий, 62. աշխ., հտ. I, գիրք 3, գլ. 6-7, с. 248-251:
 33 Полибий, 62. աշխ., հտ. II, գիրք 12, գլ. 15, с. 371:

կան գործիչների կենսագրութիւնը եւ, առհասարակ, պատմութիւնը շարադրելիս պատմաբանը պարտաւոր է գիտակցել, որ «Պատմաբանի պարտաւորութեան մէջ է մտնում՝ սերնդին հաղորդել ոչ միայն այն, որ ծառայում է մարդուն վարկաբեկելուն եւ դատապարտելուն, այլ նմանապէս այն, ինչն արժանի է գովասանքի. հեց դրանում է կայանում պատմաբանի իսկական (իրական) խնդիրը»³⁴:

Ինչպէս արդէն ասուեց՝ Պողիւբիոսը պատմաբանի համար պարտադիր պայման էր համարում պատմութիւնը նշմարիտ ներկայացնելը: «Պատմաբանի խնդիրը նա չէ, - գրում է Պողիւբիոսը, - ինչի մասին նկարագրելով՝ ընթերցողի մօտ հրճուանք կամ սարսափ առաջացնի եւ կամ նրանում չէ, որ նշմարտանման հեքիաթներ հնարի, այլ նշմարիտ ներկայացնի այն, ինչն իրականում տեղի է ունեցել, որքան էլ որ այն անսովոր լինի»³⁵: Պատմութեան մատուցման հարցում նրա բառացի բանաձեւումն այն էր, որ այն, ինչը նշմարիտ չէ, կը նշանակի՝ սուտ է ու կեղծիք: Ըստ նրա՝ «պատմութեան մէջ չկայ աւելի մեծ քերութիւն (բաց), քան սուտը (կեղծիք)»³⁶: «Պատմական երկը, - շարունակում է նա, - չի կարելի կոչել պատմութիւն, եթէ նրանում խախտուած է նշմարիտ լինելու պահանջը»³⁷: Պողիւբիոսը պատկերաւոր համեմատութիւն է անում այն մասին, որ պատմութիւնից ճշմարտութիւնը հանուելու դէպքում այն նմանում է տեսողութիւնը կորցրած կենդանի եակի, եւ դրանով իսկ պատմութիւնը վերածւում է դատարկ ճամբարակութեան³⁸: Բայց եւ միաժամանակ՝ նա տարբերակում է անում, քանի որ պատմաբանի կողմից թոյլ տրուած սխալը լինում է երկակի՝ անտեղեակութիւնից կամ կանխամտածուած: Ուստի մոլորուած պատմիչ-գրողների հանդէպ պէտք է ցուցաբերուի ներողամտութիւն, իսկ դիտաւորեալ ու կանխամտածուած անճշտութիւնը կամ սուտը պէտք է մերկացուի եւ անխնայ դատապարտուի³⁹: Մէկ այլ տեղ էլ այս նոյն առնչութեամբ գրում է, որ «սխալը հարկաւոր է բարեմտօրէն ուղղել (շտկել), իսկ դիտաւորեալ սուտը՝ անխնայ մերկացնել»⁴⁰:

Բացի այդ, Պողիւբիոսի դիտարկմամբ՝ կան պատմաբաններ, ովքեր քիչ նշանակալի, նոյնիսկ յիշատակման ոչ այնքան արժանի իրադարձութիւնը ինչ-ինչ նկատառումներով գերազնահատում են:

34 Անդ, с. 371-372:
 35 Անդ, գլ. 56, էջ 198:
 36 Անդ, գիրք 12, գլ. 11, с. 367:
 37 Անդ:
 38 Անդ, գլ. 12, с. 367, նաև՝ հտ. I, գիրք 1, գլ. 14, с. 26:
 39 Полибий, 62. աշխ., հտ. II, գիրք 12, գլ. 12, с. 367-368:
 40 Անդ, գիրք 11, գլ. 7, с. 363:

Դա միգրացիայի կարող է հետաքրքիր լինել սովորական ընթացի-
սերներին, բայց իրական ու ճշմարիտ պատմություն համար՝ ոչ
պիտանի (անօգտակար)⁴¹: Նորելեան մրցանակակիր գերմանացի
պատմաբան Թեոդոր Մոմզենը (1817-1903), շատ մտքեր ու մե-
թոդական մտեցումներ ու գործիքակազմեր ուսանելով Պողիլե-
բիոսից՝ նշում էր, որ իրօք, «Պատմաբանը չպիտի տանջի իր ընթեր-
ցողին անսովոր (արտասովոր) իրադարձությունների մասին պատմու-
թյուններով»⁴²: Հռոմի պատմությունը նուիրուած Պողիլեբիոսի
գործին բնորոշ տիպաբանական որոշ հարցեր շարունակող Մոմ-
զենը նկատել է տալիս, որ Պողիլեբիոսի խնդրոյ առարկայ աշխա-
տութիւնը ներծծուած է ընդդիմադիր բանավիճային ոգով ու
ոճով⁴³:

Վերը նշուածներից զատ՝ Պողիլեբիոսն ընդգծում էր նաեւ
պատմական փորձի կարեւորութիւնը: Օրինակ, նա Փիլիստինեան
պատերազմների փորձով դատողութիւններ էր անում, որ «Ճշմա-
րիտ կեանքի համար մեզ ծառայում է հշմարիտ պատմական իրա-
դարձությունների փորձը (ընդգծումը մերն է - Ա. Հ.): Քանի որ
միայն նա առանց վնասի մարդկանց դարձնում է անսխալական դա-
տաւորներ բոլոր ժամանակներում եւ ցանկացած դրութեան մէջ»⁴⁴:

Ինչպէս տեսնում ենք՝ Պողիլեբիոսի պատմագիտական ու մե-
թոդաբանական մտեցումներում ու դատողութիւններում պատ-
մութիւն գրող հեղինակների առջեւ դրուած գլխաւոր (առաջնա-
յին) պահանջն էր՝ առաջնորդուել ճշմարտութեամբ եւ ընթացող
հանրութեանը ներկայացնել իրական, շիտակ ու ճշմարիտ պատ-
մութիւն:

Բ. ՊՈՂԻԻԲԻՈՍԸ՝ ՊԵՏԱԿԱՆՈՒԹԵԱՆ ԳԱՂԱՓԱՐԻ ՄԱՍԻՆ⁴⁵

Պատմագիր Պողիլեբիոսի աշխատութիւնում պատմութեան
մեթոդաբանութեան առանցքը ստուգաբանական առումով կազ-

41 Անդ, Կ. 99:
42 Т. Моммзен, Изв. акад., т. I, М., «Гос. издатель», 1936, с. 229.
43 Т. Моммзен, Изв. акад., т. II, М., «Гос. издатель», 1937, с. 423.
44 Полибий, Изв. акад., т. I, гл. 1, с. 14, с. 53-54:
45 Հարկ եմք համարում տեղեկացնել, որ Պողիլեբիոսի կողմից պետութեան
տեսութեան առանձին հարցերի լուսարանմանը անդրադարձել է պրոֆ.
Ա. Ստեփանեանն իր «Պատմութեան հետազոտութիւն», Երևան 2014, մեմա-
գրութեան էջ 212-235-ում: Այստեղ, չկրկնելով հեղինակին, մենք փորձ
ենք արել անելի շատ շեշտը դնել պատմագիր-փիլիսոփայի մեթոդական
բնոյթի հարցերի վրայ:

մում է քննական ու վերլուծական մտեցումը, եւ դա առաջին հեր-
թին վերաբերում է քաղաքական պատմութեանն՝ ընդհանրապէս,
իսկ պետականութեան ինստիտուտին՝ մասնաւորապէս: Նա յատուկ
ընդգծում էր պետականութեան նշանակութիւնը. «Ինչպիսի ան-
նարկում էլ որ արուի, նրա յաջողութեան եւ անյաջողութեան կարե-
ւորագոյն պատճառը պէտք է համարել պետական կառուցուածքը
(ընդգծումը մերն է - Ա. Հ.): Իբրեւ սկզբնաղբիւր՝ դրանից եւ
կախուած բոլոր աննարկումների մտքերն ու ծրագրերը, նրանից է
կախուած նաեւ դրանց իրագործումը»⁴⁶: Պետականութեան հարցում
Պողիլեբիոսի առաջ քաշած գաղափարներից է այն, որ պետութեան
զարգացումը տեղի է ունենում փուլերով, որ հասարակութեան
զարգացմանը զուգընթաց այն երթարկում է լուրջ փոփոխու-
թիւնների՝ փոխում են կառավարման ձեւը, բովանդակութիւնը,
եղանակները, նպատակները, խնդիրները եւ սոցիալական ուղղու-
ածութիւնը: Պետութեան բնոյթի եւ պետական կառուցուածքի
վրայ, անշուշտ, ազդում են աշխարհագրական դիրքն ու պայման-
ները, բնակչութեան ազգային կազմը, մշակութային առանձնա-
յատկութիւնները, կրօնական հայեացքները, ժողովրդի սովորոյթ-
ները եւ այլ գործօններ:

Այդ իմաստով Պողիլեբիոսի ուշադրութեան կենտրոնում էր
Հռոմի պետութիւնը: Նրա մեկնաբանութեամբ՝ նախկին պատմա-
գիրների ու փիլիսոփաների մեծամասնութիւնը տարբերակել են
պետական կառուցուածքի երեք ձեւեր: Դրանցից առաջինը համար-
ւում է թագաւորական, միւսը՝ ազնուապետական (արիստոկրատա-
կան) եւ երրորդը՝ ժողովրդավարական (դեմոկրատական) պետու-
թիւններ⁴⁷: Նա լաւագոյնը համարում էր այդ երեքի համադրումը,
զուգակցումը կամ խառը կառավարումը: Նա պետական կառու-
ցուածքի այդ երեք ձեւերն իրենց հերթին տրոհել է կառավարման
լրացուցիչ բաղադրիչների: Այսպէս՝ թագաւորութեան տեսակում
նա զանազանում է սովորական միապետութիւնը (տիրանիան), որում չեն
գործում օրէնքները, եւ ամէն ինչ պայմանաւորուած է բռնապետի
կամքից: Նա նկատել է տալիս, որ սովորաբար թագաւորական իշ-
խանութիւնը հակում ունի կերպափոխուելու (վերածուելու) բըռ-
նապետութեան: Նա ազնուապետական փոքրամասնութիւն կազմող

46 Полибий, Изв. акад., т. II, гл. 1, с. 3:
47 Անդ, գլ. 1, Կ. 6:

պետութիւնը տարբերակում է աւելի նեղ ու խմբային հանդիսացող՝ սակաւապետական (օլիգարխիկ) կառավարման ձեւից, թէեւ վերջիններս, թուում է՝ իբրար նման են: Նոյնը ասուում է ժողովրդավարական կառավարման պարագայում, որտեղ ժողովրդական զանգուածների մասնակցութեամբ, բաց ու հրապարակային, օրէնքներով գործող կառավարման ներսում կարող է առաջանալ անկառավարելիութիւն, որ ժամանակի ընթացքում ծնում է ամբոխապետութիւն (օխոկրատիա)⁴⁸: Եւ, Պողիւբիոսի կարծիքով, բնութեան օրէնքով պետական կառավարման ձեւերի նման կերպափոխումներ (տրանսֆորմացիաներ) տեղի են ունեցել թէ՛ Յունաստանում եւ թէ՛ Հռոմում:

Պողիւբիոսը պետական կառավարման ձեւերի հարցում, օրինակ, կատարում է նաեւ հետեւեալ պարզաբանումները: Այսպէս՝ թագաւորական իշխանութեան պարագայում թագաւորն իր բարի կամքով սովորաբար զիջում է իր իշխանութիւնը, եւ այդ երկրում իշխում է ոչ թէ՛ վախը, այլ՝ բանակաւորութիւնը: Կամ ոչ բոլոր փոքրամասնութիւնների կառավարումը կարելի է համարել արիստոկրատական, երբ կառավարող մարդիկ ընտրութիւն կատարելիս լինում են արդարամիտ ու դատող: Նոյն կերպ, ժողովրդավարական կառավարում չի կարելի կոչել այն, երբ ժողովրդական զանգուածները փորձում են անել իրենց մտածածն ու ցանկացածը: Իրականում ժողովրդավարական համարուող պետութիւնում պարտադիր կարգով հաշուի են առնուում երկրի ու ժողովրդի վաղնջական սովորոյթները, ուր փայփայլում են հարազատները, յարգւում են աւագները, մարդիկ հնազանդուում են օրէնքներին, իսկ որոշումներ (վճիռներ) կայացնելիս՝ վճռական խօսքը պատկանում է ժողովրդի մեծամասնութեանը եւ այլն⁴⁹:

Պողիւբիոսը խառը կառավարման վերաբերեալ նման դատողութիւնների հիմքում ունեցել է Պղատոնի, Արիստոտէլի եւ ուրիշ այլ փիլիսոփաների մօտեցումները, որոնք նա զարգացրել է իր դարաշրջանի էութեանը համապատասխան: Եւ, ի յաւելումն ասուածի՝ նա փորձել է այդ մտքերը շարադրել յստակ ու մատչելի կերպով⁵⁰: Յամենայն դէպս, պետական խառը կառավարման մէջ, կառուցուածքի ու ձեւի տեսակէտից, սկզբունքօրէն մերժելով բուսականութիւնը (տիրանիան), նա նախապատուութիւնը տալիս էր

48 Անդ, գլ. 4, Ե. 7-8:
 49 Անդ, Ե. 8:
 50 Անդ, գլ. 5, Ե. 8:

երկու՝ ազնուապետական եւ ժողովրդավարական կառավարման խառը ձեւերին: Պողիւբիոսը Հռոմի պետութիւնը համարում էր պետականութեան կատարելատիպ, որն ընդունակ էր իշխել աշխարհի վրայ⁵¹: Ուստի իր աշխատութեան երկրորդ հատորի 18-42 գլուխներում նա հանգամանօրէն խօսում է Հռոմի պետական կառուցուածքի առաւելութիւնների, ընտրական համակարգի եւ գործող օրէնքների արդիւնաւետութեան մասին⁵²: Ի դէպ, նա ազգութեամբ լինելով տոհմիկ յոյն՝ Աքայական միութեան 168 թուականին Հռոմից կրած պարտութիւնից յետոյ, ի թիւս հազար պատանդների, բերուել է Իտալիա եւ այդուհետ հաւատարմօրէն ծառայել Հռոմին:

Պողիւբիոսի աշխատութեան ուշագրաւ արժանիքներից է նաեւ այն, որ նա, առաջնորդուելով բնափիլիսոփայութեամբ, փորձել է բացայայտել պետականութեան կառոյցի ու մարդկանց համակեցութեան ծագման ակունքները: Նա դատողութիւններ է անում այն մասին, որ մարդկային ցեղը վերացել է ջրհեղեղներից, համաճարակներից, երաշտներից կամ ուրիշ այլ աղէտների պատճառով, ինչը քանիցս կրկնուել է մարդկութեան վաղ անցեալում եւ, բնականաբար, մարդկանց հետ միասին ոչնչացել են նաեւ նրանց ստեղծած բոլոր կառոյցներն ու արուեստը: Բայց, ժամանակի ընթացքում, մարդկանց մի փոքր մասը, ըստ նրա, կարողացել է փրկուել, եւ նրանցից կրկին բազմացել են որոշակի թուով մարդիկ: Նման դէպքում նրանք, ինչպէս բոլոր կենդանի էակները, իրենց թուութիւնն ու անօգնականութիւնը յաղթահարելու նպատակով համախմբուել են՝ կազմելով միասեռ զանգուած, իսկ նրանցից մէկը, ով միւսներին գերազանցում էր իր ֆիզիկական ուժով ու մտաւոր կարողութեամբ՝ դարձել է առաջնորդ եւ իշխող⁵³:

Այդ համեմատութիւնը նա անում է՝ բնութիւնից վերցնելով գոմէշների, վարազների, աքլորների եւ այլ կենդանիների օրինակը, երբ դրանցից առաւել ուժեղն անպայման դառնում է առաջնորդ⁵⁴: Այսինքն, նրա ձեւակերպմամբ՝ մարդկանց միջավայրում եւս իշխանութեան ակունքը հանդիսանում է ուժը, որ տանում է դէպի կառավարման մենիշխանութիւն (թագաւորութիւն): Ուշա-

51 Полибий, 62. աշխ., հտ. II, գ. 6, գլ. 49-50, Ե. 59, նաեւ՝ С.Б. Мирзаяев, Полибий, М., «Юрид. лит.», 1986, Ե. 38 и 56-57:
 52 Полибий, 62. աշխ., հտ. II, գլխ. 6, գլ. 18-42, Ե. 24-50:
 53 Անդ, գլ. 5, Ե. 9:
 54 Անդ:

գրաւ է, որ Պողիւբիոսը, նման մեկնաբանութիւններ անելով, չի խօսում մարդկանց ծագման եւ իշխանութեան առաջացման ինչ-որ ոգու, արարչագործութեան, գերբնական-աստուածային ուժերի ներգործութեան մասին: Նա, օրինակ, նման նկարագրով է պատկերում Հին Հռոմի պետութեան (թագաւորութեան)՝ ն.թ. 753 թուականին առաջացումը: Հին աշխարհի պատմութեան առանցքային մի պետութիւն, որի մայրաքաղաքի՝ Հռոմի հիմնադրման տարեթիւը 31 տարով հետ է Հայոց Այրարատեան (Վանի, Ուրարտուի) թագաւորութեան Արգիշտի Ա. արքայի հիմնած էրեբունի-Երեւան հիւսիսային մայրաքաղաքից⁵⁵:

Այդուհանդերձ, Պողիւբիոսի կողմից պետութեան ծագման վերաբերեալ բերուած նկարագրութիւններից մեր ստացած ընդհանուր տպավորութեամբ՝ չի բացառուում, որ մարքսիզմի հիմնադիրներից Ֆ. էնգելսն իր յայտնի աշխատութիւնը⁵⁶ պատրաստելիս, այլ աշխատութիւններից եւ ազգագրական նիւթերից զատ, օգտուած լինի նաեւ Պողիւբիոսի սոյն աշխատութիւնից, մանաւանդ, որ նա առանձին ենթավերնագրերով հանգամանօրէն խօսում է տոհմատիրական հասարակութեան քայքայման եւ ակնաւորական ու հռոմէական պետութիւնների առաջացման մասին⁵⁷:

Խօսելով պետականութեան գաղափարի մասին՝ Պողիւբիոսը արձանագրում է իր ժամանակուայ Հռոմէական Հանրապետութեան իշխանութեան թեւերի տարանջատուածութիւնը՝ մասնաւորապէս Մերակոյտի (Սենատի), կոնսուլների եւ ժողովրդական ժողովների միջեւ: Ըստ նրա՝ վերջիներէս կամքի արտայայտողն ամէնից առաջ հանդիսացել է տրիբունը⁵⁸: Պողիւբիոսի պատկերմամբ՝ կոնսուլը չէր կարող առանց Մերակոյտի եւ ժողովրդի գի-

55 Ա. ՅԱԿՈՒԲԵԱՆ, Հայոց պատմութիւն, «Տնտեսագետ» հրտ., Երեւան 2022, էջ 27:

56 Ֆ. էՆԳԵԼՍ, Ընտանիքի, մասնաւոր սեփականութեան եւ պետութեան ծագումը, «Պետիրատ», Երեւան 1940:

57 Անդ, էջ 128-150:

58 Գոյութիւն են ունեցել քաղաքացիական եւ գիւղատնտեսական տրիբուններ (հոետորներ): Վերջիններս թուով 24-ն էին, որոնց մի մասն ընտրուում էր առնուազն հնգամեայ, իսկ միւսը՝ տասնամեայ գիւղատնտեսական (հեծեալ եւ հետեւակ) արշաւաններին մասնակցելու պարագայում: Հետաքրքիր եւ արդիական առումով հնչեղ է այն դրոյթը, որ պետական պաշտօններ կարող են գրադեցնել միայն այն անձինք, ովքեր մասնակցութիւն են ունեցել տասնամեայ արշաւաններին (ПОЛИБИИ, նշ. աշխ., հտ. II, գիրք 6, գլ. 19, c. 25):

տութեան ինքնագլուխ զօրարչաւ կազմակերպել կամ պայմանագիր կնքել, որովհետեւ Լեգէոնները (մէկ լեգէոն = 4.200 հետեւակ եւ 300 հեծեալ զինուոր) վճարուած էին Մերակոյտի կողմից (Մերակոյտն էր տնօրինում հանրապետութեան գանձարանը): Բացի այդ, կոնսուլները նշանակուում էին Մերակոյտի կողմից, իրենց գործողութիւններում հաշուետու լինում ինչպէս Մերակոյտի, նոյնպէս եւ ժողովրդի առջեւ⁵⁹:

Իր հերթին, Մերակոյտը պետական գործերում հաշուետու էր ժողովրդին: Պետական կարեւորագոյն վճիռներ կայացնելիս, ինչպիսին է, օրինակ, պետութեան դէմ ուղղուած յանցագործութիւնների դէպքում մահապատժի վճիռը, նախապէս պէտք է հաւանութիւն ստանար ու հաստատուէր ժողովրդական ժողովի կողմից, իսկ Մերակոյտի ու ժողովրդի միջեւ կապող օղակը (ժողովրդի ձայնը) ժողովրդական տրիբունն էր, առանց որի համաձայնութեան Մերակոյտն իր որոշումները չէր կարող գործի դնել⁶⁰: Իսկ տրիբունները միշտ գործում էին ժողովրդի օգտին, ուստի Մերակոյտն ականջալուր էր նրա ձայնին, այդ իսկ պատճառով «վախեցում էր ժողովրդից»⁶¹:

Ինչ վերաբերում է իշխանութեան երրորդ թեւին՝ դատական իշխանութեանը, ապա Մերակոյտն իր անդամներից (պատգամաւորներից) ընտրում էր դատաւորներ՝ ծանր յանցագործութիւնների, այդ թւում յարուցուած պետական ու մասնաւոր մեղադրանքների համար: Պողիւբիոսը քննադատում էր կոսմոպոլիտ մտածելակերպի ու աշխարհայեացքի տէր դատաւորներին⁶²: Թէեւ մենք արդէ չափանիշներով չենք կարող խօսել դատական իշխանութեան ինքնուրոյնութեան (անկախութեան) մասին, սակայն ժողովրդական տրիբուններն իրենց վճռական խօսքով կարծես համակշռում (կոմպենսացնում) էին այդ բացը: Իշխանութեան թեւերի տարանջատման հարցը յետագայ դարերում պիտի բարեշրջում (էվոլյուցիա) ապրէր ու հասցուէր մինչեւ պատմութեան միջնադարեան վերածնունդ ու Նոր շրջան, առնուազն՝ Ն. Մաքիաւելլի, Շ. Մօնթէսքիէօ, Թ. Հոբս եւ միւսներ, մինչեւ որ կը հասնէր ժամանակակից կարգավիճակին:

59 Անդ, գիրք 6, գլ. 15, c. 21:

60 Անդ, գիրք 6, գլ. 16, c. 22:

61 Անդ, գիրք 6, գլ. 17, c. 23:

62 Անդ, գիրք 12, գլ. 16, c. 372:

Այդուհանդերձ, Պողիւբիոսն իր ժամանակի մէջ գտնոււմ էր, որ Հռոմի Հանրապետութեան իշխանութեան երեք թեւերն իրար օգնոււմ եւ փոխգործակցոււմ էին եւ, նրա ձեւակերպմամբ՝ «Իա լաւագոյն պետական կառուցուածքն էր»⁶³: Պողիւբիոսի կարծիքով՝ ամէնից առաջ գնահատանքի է արժանի այն պետութիւնը, որ յարգոււմ եւ առաջնորդոււմ է երկու կարեւոր սկզբունքներով՝ սովորոյթներով եւ օրէնքներով: «Այսպէս, - եզրափակոււմ է նա, - եթէ ինչ-որ ժողովրդի մօտ մեքն մկատոււմ եք բարի սովորոյթներ ու օրէնքներ, ապա կարող եք համարուակ պնդել, որ այդտեղ լաւ կը լինեն ե՛ւ մարդիկ, ե՛ւ նրանց հասարակական կառուցուածքը»⁶⁴: Օրէնքն ու սովորոյթներն այն հիմնական կռուաններն էին, որոնց հիման վրայ պիտի զարգանային ու կատարելագործուէին քաղաքացիական հասարակութեան, հանրային կեանքի կազմակերպման բարձրագոյն ձեւը հանդիսացող պետութիւնը եւ պետականութեան հաստատութիւնը (ինստիտուտ):

Այսպէս՝ Թուկիդիդէսի եւ Պողիւբիոսի պատմութեան, այդ թւում նաեւ պետութեան վերաբերեալ քննական ու քննական-վերլուծական մտքերն ու դատողութիւնները մեթոդական ուղեցոյց պիտի հանդիսանային նոր եւ նորագոյն դարաշրջաններում՝ պետականութեան ինստիտուտի զաղափարի ու գործիքակազմի յետագայ զարգացման, նրա կատարելագործման ու աւելի ժողովրդավարական դարձնելու ուղղութեամբ:

Գ. ՊՈՂԻԻԲԻՈՍԻ ՊԱՏՄԱՀԱՄԵՄԱՏԱԿԱՆ ԶՈՒԳԱՀԵՌՆԵՐ ԱՆՅԿԱՅՆԵԼՈՒ ՓՈՐՁԵՐԸ

Սովորաբար պատմահամեմատական մեթոդը կոչուած է համադրելու եւ համեմատելու մէկից աւելի համանման ու ժամանակագրական առումով համեմատաբար իրար մօտ պատմական համակարգերի նմանութիւնն ու տարբերութիւնը, իսկ վերջնարդիւնքում բացայայտել պատմական իրականութիւնն ու ճշմարտութիւնը, արժեւորել դրանք, տալ գիտական գնահատականներ, ցոյց տալ դրանց պատմութեան առաջընթացի ու զարգացման միտումները եւ այլն: Անտիկ հեղինակների համար համեմատութեան օբյեկտ են հանդիսացել, օրինակ, յունական պոլիսների, Հռոմի եւ Կարթագինէի համեմատութիւնը, կամ Յոյն-պարսկական, Պելոպո-

63 Անդ, գիրք 6, գլ. 18, c. 24:

64 Անդ, գլ. 47, c. 54:

նեսեան եւ Փիւնիկեան պատերազմների գուգահեռ համեմատութիւնները եւ այլն:

Այս հարցի մասին խօսելիս Պողիւբիոսը նախ նշում է, որ գրեթէ բոլոր պատմաբանները միանշանակ գովեստով են խօսում Աթենական, Լակեդեմոնեան, Կրետէի, Մանտինեցիաների, Ֆիվեանների, նմանապէս Կարթագինէի պետական կառուցուածքի արժանիքների մասին: Բայց նա լիարժէքօրէն չի կիսում այդ կարծիքը⁶⁵: Այսպէս՝ Աթենական պետութեան մասին Պողիւբիոսը լաւ չի արտայայտոււմ, քանզի նրա կարծիքով՝ «բոլոր գործերը սեփական կամակորուքեամբ կառավարում է զանգուածը»⁶⁶: Կամ, օրինակ, Լակեդեմոնեան պետութեան թագաւորները, այսպէս կոչուած՝ աւագները, ցմահ կամ ժառանգական էին, եւ բոլոր պետական գործերը վարում էին նրանց մասնակցութեամբ կամ գիտութեամբ⁶⁷: Իսկ, օրինակ, Կրետէի պետութիւնում մարդկանց առօրեայ կեանքում, նրա ներկայացմամբ, մեծ դեր էր կատարում դրամը, որն աւելի յաճախ ձեռք էր բերում շահադիտական նպատակով եւ նրա ժողովրդի բարքերում՝ «ոչ մի վաստակ (հարստացում) ամօք չէր համարոււմ» եւ այլն⁶⁸:

Եւ այդ իմաստով Հին աշխարհի պետականութիւնների կառուցուածքային, իրաւական եւ ռազմաքաղաքական գնահատման տեսակէտից, իբրեւ նորոյթ, ուշագրաւ է, որ Պողիւբիոս պատմաբանն ու փիլիսոփան պատմահամեմատական գուգահեռներ է անցկացրել, բացայայտել դրանց առանձնայատկութիւնները եւ տուել համապատասխան գնահատական⁶⁹: Այսպէս, ինչպէս ասուեց, քաղաքական կառուցուածքի արդիւնաւէտութեան առումով նա համեմատութիւն է անցկացրել հելլենական, լակեդեմոնեան, սպարտացիների, Կրետէի, Կարթագինէի եւ Հռոմի միջեւ եւ պատմա-

65 Անդ, գլ. 42, c. 50:

66 Անդ, գլ. 44, c. 52:

67 Անդ, գլ. 45, c. 53:

68 «Никакая жизнь не считается постыдною» (Полибий, ևշ. աշխ., հտ. II, գիրք 6, գլ. 46, c. 53):

69 Ուշագրաւ է, որ մեր ժամանակներում պրոֆ. Ա. Ստեփանեանը պոլիբիոսական մեթոդով համեմատելով յաջողուած գուգահեռներ է անցկացրել յունահռոմէական եւ հայ հին շրջանի մատենագիրների միջեւ՝ հրապարակ քերական հոգեմտաւոր եւ գոյարանական զգալի ընդհանրութիւններ (տե՛ս Ա. Ստեփանեան, Զուգակշիռ (գաղափար, մեկնութիւն, հասկացում), ԵՊՀ հրատ., Երևան 2024 (368 էջ):

կանուքեան (խստորիզմի) հաշուառմամբ յանգել այն հետեւութեանը, որ, այնուամենայնիւ, պետական կառուցուածքի, կառավարման սկզբունքների, օրէնքների ու սովորութիւնների կիրառման առումներով նշուածներից լաւագոյնն ու կենսունակը հռոմէական պետութիւնն է⁷⁰: Մասնաւորապէս, իրար դէմ պատերազմող Կարթագինէի եւ Հռոմի միջեւ համեմատութիւն անցկացնելիս՝ նա նախապատուութիւնը տուել է հռոմէական պետական կառուցուածքին: Բացի այդ, եթէ Կարթագինէն ռազմական առումով յոյսը դրել էր վարձականների արիութեան վրայ, ապա հռոմէացիները՝ իրենց սեփական քաղաքացիների ու դաշնակիցների վրայ⁷¹:

Ձուտ պատմականութեան մօտեցում հանդէս բերելով՝ Պողիւբիոսը պարզաբանում էր, որ սկզբում Կարթագինէի պետութիւնը ձեւաւորուած էր հրաշալի, նրանք ունէին թագաւորներ, աւագների խորհուրդ, ազնուականների իշխանութիւն, իսկ ժողովուրդն էլ օգտուում էր իր իրաւունքներից անհրաժեշտ չափով: Սակայն յետագայում հռոմէական պետութիւնը գերազանցեց Կարթագինէին, ապրում էր ծաղկումի շրջանում եւ, վերջին հաշուով, ապահովեց Հռոմի ծանր, բայց համոզիչ վերջնական (ն.Ք. 146 թուականին) յաղթանակը⁷²:

Այս համատեքստում Փրանսացի փիլիսոփայ Շարլ Լուի Մօնթէսքիէօն, Պողիւբիոսի աշխատութեան օրինակով, Հռոմի վերջնական յաղթանակը նոյն կերպ բացատրել է հիմնականում Հռոմի Հանրապետութեան, նրա օրէնքների ու կառավարման համակարգի առաւելութիւններով եւ դրան հակադրու՝ Փիւնիկեան պետութիւնում տեղ գտած թերութիւններով, կաշառակերութեամբ եւ այլն, թէեւ Կարթագինէն աւելի հարուստ էր եւ օգտագործում էր օտարերկրեայ վարձկան զօրք, իսկ Հռոմը կռոււում էր իր սեփական բանակով⁷³:

Պետութիւնների համեմատութեան օրինակով՝ Պողիւբիոսը բնական եւ օրինաչափօրէն ընդհանրացնող հետեւութիւններ է անում այն մասին, որ իւրաքանչիւր պետութիւն ապրում է իր պատմութեան երեք հիմնական շրջաններ (փուլեր)՝ ձեւաւորման, վերելքի (ծաղկման) եւ անկման, ինչպէս, օրինակ, բնութեան մէջ

70 Полибий, в. 2, гл. II, гл. 6, ст. 18-43, с. 24-50, ст. 45, с. 52-53, ст. 47, с. 54-55, ст. 50, с. 58:
 71 Անդ, գլ. 52, ս. 59:
 72 Անդ, գլ. 51, ս. 58-59:
 73 Ш. МОНТЕСКЬЕ, Изб. произведения, М., «Гос. издатель», 1955, с. 61.

ցանկացած երեւոյթ ունի իր սկիզբը (վերելքը), զարգացումը (ծաղկումը) եւ վայրէջքը (անկումը)⁷⁴:

Պողիւբիոսը պատերազմների հարցում ոչնչական (նիհիլիստ) չէր. Փիւնիկեան պատերազմները նա հակաիրաւական չէր համատուում էր⁷⁵: Սակայն, արդարութեան հաստատման իմաստով, նա հակուած էր պաշտպանել Հռոմը: Նրա պատկերմամբ՝ Փիւնիկեան պատերազմի ծագման հիմնական պատճառը Սիկիլիայի վրայ իշխելը, ինչպէս նաեւ Միջերկրական առեւտրական ուղիներին տիրանալն էր⁷⁶: Պատերազմի պատճառները բացայայտելու համար նա համեմատական կարգով անդրադարձել է դեռեւս Փիւնիկեան պատերազմներից շատ առաջ Հռոմի ու Կարթագինէի միջեւ կնքուած միջպետական մի շարք պայմանագրերի՝ սկսած Ք.ա. 509 թուականից, այնուհետեւ՝ Ք.ա. 481ին, Քսերքսէսի՝ Յունաստան ներխուժումից առաջ, որից յետոյ՝ Ք.ա. 348 եւ 280 թուականների պայմանագրերին: Հռոմէական պետական դիւանում պահուող այդ պայմանագրերը նա համեմատական քննութեան է ենթարկել⁷⁷: Սա էլ կարելի է մեթոդական մի ուղեցոյց համարել՝ ցոյց տալու, թէ ինչու եւ ինչպէս պատմաբան-ուսումնասիրողն անպայման պէտք է աշխատի դիւաններում, գործ ունենայ վաւերագրերի հետ:

Հարկ է նշել, որ մի փոքր աւելի ուշ պատմահամեմատական գոլգահեռներ անցկացնելու մեթոդն աւելի հանգամանօրէն կիրառել է դարձեալ յոյն պատմագիր Պլուտարքոսը (46-127 թուականներին) իր յայտնի «Համեմատական կենսագրութիւններ» կամ «Ձուգակշիռ» աշխատութեամբ⁷⁸: Սակայն, ինչպէս յայտնի է, եթէ Պլուտարքոսը համեմատական գոլգահեռներ է անցկացրել յոյն եւ հռոմէացի պետական, քաղաքական, զինուորական ճանաչուած գործիչների միջեւ, ապա Պողիւբիոսի համեմատութիւնն անցկացուել է ոչ թէ անհատների ու գործիչների, այլ մի խումբ՝ իր ժամանակաշրջանի եւ աւելի վաղ պետութիւնների կառուցուածքի, դրանցում գործող օրէնքների, մղուող պատերազմների, անգամ

74 Полибий, в. 2, гл. II, гл. 6, ст. 51, ст. 58-59:
 75 С.Б. МИРЗАЕВ, Полибий, М., 1986, с. 90.
 76 Полибий, в. 2, гл. I, гл. 1, ст. 13, с. 25 նաև՝ ն. ՄԱՇԿԻՆ, Հիմն Հռոմի պատմութիւն, ԵՊՀ հրատ., Երեւան 1951, էջ 232:
 77 Полибий, в. I, гл. 3, ст. 21, с. 265, ст. 22, с. 266, ст. 24, с. 268, ст. 28-29, с. 272, ст. 32, с. 275:
 78 ՊԼՈՒՏԱՐԿՈՍ, Երկեր, Հ. ՀԱՅՐԵԱՆ, (թրգմ. ուսերէնից), «Հայաստան», Երեւան 1988 (796 էջ):

կնքուած պայմանագրերի, համանման երեւոյթների ու իրադարձութիւնների միջեւ, իսկ վերջում արուած են համապատասխան հետեւութիւններ ու գնահատականներ, ինչը, կարծում ենք, աւելի է բարձրացնում նրա աշխատութեան արժանիքները, եւ, մեր կարծիքով, գերազանցում է Պլուտարքոսի աշխատութեանը:

Պողիւբիոսը իւրայատուկ գուգահեռ է անցկացնում նաեւ պետութեան ղեկավարի եւ իրական պատմութիւն գրող անհատների միջեւ: Նա Պղատոնի արտայայտած մտքի օրինակով նշում էր, որ մարդկութեան գործերը յաջող կ'ընթանան այն ժամանակ, երբ փիլիսոփան լինի թագաւոր: Նոյն կերպ էլ, ըստ նրա՝ «Պատմութիւնն այն ժամանակ լաւ կը լինի, երբ պատմական երկերի կազմմանը ձեռնամուխ կը լինեն պետական գործիչները»⁷⁹: Պատմութիւն գրելու հարցում նման կարծիք յայտնելիս նա, հաւանաբար, նկատի է ունեցել իրեն: Յայտնի է, որ Պողիւբիոսն իր Տշամեայ տեւական կեանքում զբաղեցրել է պետական պաշտօններ, եղել է զօրական գործիչ՝ Արքոնտ եւ այլն:

Այս ամէնը Հին Յունաստանի եւ որոշ առումներով նրա շարունակութիւնն ու զարգացումը հանդիսացող Հին Հռոմի հանրապետական, ժողովրդավարական ընդօրինակելի նմոյշներ են, որոնք արդիական են եւ շատ կողմերով ուսանելի ու կիրառելի նաեւ մեր ժամանակներում: Ինչ վերաբերում է հայ պատմագիտական գրականութեան մէջ քննական ու վերլուծական բնոյթ ունեցող աշխատութիւններին, ապա նման մօտեցումներով զուտ քննական բնոյթի աշխատութեան հեղինակ-պատմաբաններից, թերեւս, կարելի է մտաբերել Ա. Գարագաշեանին, Հ. Մանանդեանին, Ն. Ադոնցին եւ նրանց, որոնց ուսումնասիրութիւնների վերնագրերն իսկ վկայում են դրանց քննական բնոյթի մասին⁸⁰: Սակայն դա ամենեւին չի նշանակում, թէ միւս պատմաբանները եւ, ընդհանրապէս, հայ պատմագիտական միտքը պատմութեան հանդէպ հանդէս չեն բերել քննական ու վերլուծական բաւարար մօտեցումներ:

79 Полибий, вк. աշխ., հատ. II, գիրք 25, գլ. 28ա, ս. 397:
 80 Ա. Գ. ԳԱՐԱԳԱՇԵԱՆ, Քննական պատմութիւն հայոց, հտ. 1-4, Թիֆլիսի հայոց հրատ. ընկ., Թիֆլիս 1895: Հ. ՄԱՆԱՆԴԵԱՆ, Քննական տեսութիւն հայ ժողովրդի պատմութեան (տե՛ս Երկեր, Հայկ. ՍՍՀ ԳԱ հրատ., Ա., Երեւան 1977, հտ. Բ., Երեւան 1978, հտ. Գ., Երեւան, 1977: Н. АДОНИ, Армения в эпоху Юстиняна, СПб, тип. имп АН, 1908: Ն. ԱՂՈՆՑ, Քննութիւն Մովսէս Կաղանկատուացու, Մայր Աթոռ Ս. Էջմիածին, Էջմիածին 2005:

Այսպէս, պատմութեան, պետութեան եւ հասարակական կեանքի այլ հարցերում թուկիդիդէսի հանդէս բերած քննական մօտեցումները յետագայում պէտք է զարգացնէր ու նոր որակի հասցնէր նրա մտքերի ու գաղափարների ժառանգորդ, յոյն ակադեմիկոս պատմաբան Պողիւբիոսը (մօտ Ք.ա. 200-118 թուականներին): Վերջինիս «Համընդհանուր պատմութիւն» աշխատութիւնները ծառայում է ոչ միայն որպէս իրենց դարաշրջանների վերաբերեալ պատմագիտական սկզբնաղբիւր, այլեւ դրանցում բարձրացուած ու քննութեան առնուած հարցերն աչքի է ընկնում պատմական նիւթի քննական-վերլուծական ընկալման կարողականութեամբ, որոնք եւ յետագայում տեսական ու մեթոդաբանական առումներով հիմք եւ ուղեցոյց հանդիսացան պատմագրութեան զարգացման եւ պատմագիտական միտքը ճշմարիտ ուղու վրայ դնելու տեսանկիւնից: Աւելին, Պողիւբիոսն առանձնացաւ նաեւ պետականութեան գաղափարի, կառավարման ձեւերի միջեւ քննական-վերլուծական, պատմահամեմատական գուգահեռներ անցկացնելով եւ աւելի խոր ու առարկայական պատմութեան հանդէպ տեսական-մեթոդաբանական մօտեցումներով ու գնահատականներով:

Summary

GREEK HISTORIAN POLYBIUS AS BEGINNER OF CRITICAL-ANALYTICAL APPROACHES TO HISTORY (Issues in the Methodology of History)

ARARAT HAKOBYAN

It is known that the first building blocks of the theory and methodology of history were largely laid by outstanding historians of the Ancient World: Herodotus, Xenophon, Thucydides, Plutarch, Polybius, Tacitus and others. When assessing the theoretical and methodological merits of the mentioned historians, first of all, they should be assessed in this era, which became the basis for the development of further world historical thought and methodological approaches to the study of history.

In particular, a consideration of Polybius's "General History" shows that his ideas, observations, and methodological approaches to history remain unrivaled in his time and space. His historiographical and methodological observations were based on the extraction of historical material, real history, reality, a distortion-free presentation of history, based on the fact that the only guarantee of the impartiality of historical science is truth. And made observations and analytical approaches to history, in particular with episodes of the Punic Wars, analysis, accumulated experience and lessons to be learned. It is worth noting that for thousands of years Polibio's work served not only as a theoretical and methodological guide, but also as a rich historical source for his era.

In particular, thoughts and judgments about the idea of the state and forms of government put forward by Polybius, discussions about historical and comparative parallels, the cause-and-effect relationship of phenomena, historicity, etc. served as theoretical and methodological guidance on further reforming the institution of statehood, improving it and giving more democracy.

They were further developed during the Renaissance, Reformation, Humanism and Enlightenment, and then in New and Contemporary times.

ՀԱՅԱՍՏԱՆԸ ԵՒՐՈՊԱՅԻ ԵՒ ԱՄԻԱՅԻ ՄԻԶՄՇԱԿՈՒԹԱՅԻՆ ՅԱՐԱԲԵՐՈՒԹԻՒՆՆԵՐԻ ՀԱՆԳՈՅՑՈՒՄ Ժ.-ԺԴ. ԴԱՐԵՐՈՒՄ ԸՍՏ ԴՐԱՄԱԳԻՏԱԿԱՆ ՏՈՒԵԱԼՆԵՐԻ

Հայաստանը ժ.-ժԴ. դարերում գտնուում էր քաղաքատնտեսական անկայուն, բարդ իրավիճակում, երբ օտար կեղեքիչների յարձակումների ժամանակ երկիրը ժամանակ առ ժամանակ ապրում էր իր հերթական կորուստները:

Չնայած Հայաստանի այդ անկայուն, խառնաշփոթ իրավիճակներին հայկական միջնադարեան շուկաներում քարալանային առևտրի շնորհիվ տեղի էին ունենում ոչ միայն օտար դրամների ներթափանցում, այլևս գործում էր ժամանակի տարբեր տարադրամների փոխանակման կենտրոններ շուկաներում: Հայաստանի աշխարհագրական դիրքը կարեւոր նշանակութիւն ունէր առևտրի համար: Հնագիտական պեղումների, ինչպէս նաև պատահական գտածոների արդիւնքում գտնուել են առանձին դրամներ կամ դրամական գանձեր ինչը վկայում է, որ Հայաստանում լայն տարածում են ունեցել օտար պետութիւնների կողմից հատուած դրամները, որոնք ազատ ընդունւում էին եւ շրջանառւում հայկական շուկաներում:

ժ.-ժԴ. դարերում Հայաստանի համար աւերիչ էր դառնում ոչ միայն օտար զաւթիչների գէնքն այլևս նրանց կողմից վարած դրամա-առևտրային քաղաքականութիւնը: Հաստատուելով տարածաշրջանում նրանք իրենց թողարկած դրամներով ոչ միայն դրամական համակարգի նոր կանոններ այլևս դրամների միջոցով տարածում էին մահմեդական դաւանանքի գաղափարախօսութիւնը: Քաղաքական հանգամանքներից դրդուած Հայաստանը չունէր իր ազգային դրամն, ինչի պատճառով ստիպուած էր օտար նուաճողների կողմից հատուած եւ շրջանառու դրամներով իրականացնել առևտրական գործարքները: